

**ԴՐԱՄԱՇՆՈՐՀԻ ՀԱՏԿԱՑՄԱՆ
ՊԱՅՄԱՆԱԳԻՐ N ՀՀ ԱՆԳՉԾ 2016-1**

ք. Երևան

«15» Հունվարի 2016 թ.

ՀՀ արդարադատության նախարարությունը, ի դեմս ՀՀ արդարադատության աշխատակազմի ղեկավար Արմեն Գևորգյանի, այսուհետ՝ «Նպաստ տրամադրող» մի կողմից, և «Արդարադատության ակադեմիա» ՊՈԱԿ-ը, ի դեմս ռեկտոր Ռուբեն Մելիքյանի, որը գործում է կանոնադրության հիման վրա, այսուհետ՝ «Նպաստ ստացող», մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Սույն պայմանագրի առարկան է՝

Հայաստանի Հանրապետության 2016 թվականի պետական բյուջեի մասին Հայաստանի Հանրապետության օրենքով՝ «Մասնագիտական վերապատրաստում ստացող ունկնդիրների կրթաթոշակ» ծրագրով նախատեսված ֆինանսական միջոցների տրամադրումը «Նպաստ ստացողին» Արդարադատության ակադեմիայի կառավարման խորհրդի կողմից հաստատված ծրագրերին համապատասխան՝ ՀՀ արդարադատության ակադեմիայի կողմից որակավորման ստուգման արդյունքներով դատավորների և դատախազների թեկնածությունների ցուցակներում ընդգրկված անձանց մասնագիտական պատրաստում իրականացնելու նպատակով:

2. Կողմերի իրավունքները և պարտականությունները

2.1. Նպաստ տրամադրողն իրավունք ունի՝

2.1.1. Պահանջելու Նպաստ ստացողից ներկայացնել ամսեկան կտրվածքով հաշվետվություն՝ Նպաստ ստացողի կողմից իրականացված գործունեության վերաբերյալ,

2.1.2. Սույն պայմանագրի գործողության ընթացքում ստուգել Նպաստ ստացողի կողմից ներկայացված հաշվետվությունները, գումարների նպատակային օգտագործումը և թերություններ հայտնաբերելիս այդ մասին տեղյակ պահել Նպաստ ստացողին:

2.2. Նպաստ տրամադրողը պարտավոր է՝

2.2.1. Սույն պայմանագրով նախատեսված ժամկետներում և կարգով Նպաստ ստացողի բանկային հաշվին փոխանցել նախատեսված գումարները:

2.3. Նպաստ ստացողն իրավունք ունի՝

2.3.1. Նպաստ տրամադրողից պահանջել փոխանցելու Արդարադատության ակադեմիային փոխանցման ենթակա գումարները:

2.4. Նպաստ ստացողը պարտավոր է՝

2.4.1. Հաշվետվությունները ներկայացնել յուրաքանչյուր ամսվա վերաբերյալ, մինչև հաջորդ ամսվա 10-ը ներառյալ, իսկ եթե այդ օրը ՀՀ օրենսդրությամբ սահմանված կարգով ոչ աշխատանքային օր է, ապա մինչև այդ օրվան հաջորդող աշխատանքային օրը ներառյալ:

2.4.2. Արդարադատության ակադեմիային հատկացվող ֆինանսական միջոցները չծախսել այլ նպատակով,

2.4.3. Ապահովել Նպաստ տրամադրողի վերահսկողությունը հաշվետվության մասով:

3. Դրամաշնորհ տրամադրելու և ծախսելու կարգը

3.1. Նպաստը տրամադրվում է Հայաստանի Հանրապետության 2016 թվականի պետական բյուջեի մասին Հայաստանի Հանրապետության օրենքով «Մասնագիտական վերապատրաստում ստացող ունկնդիրների կրթաթոշակ» ծրագրով նախատեսված

միջոցներից: Գումարի չափը սահմանվում է Հայաստանի Հանրապետության 2016 թվականի պետական բյուջեի մասին Հայաստանի Հանրապետության օրենքով: Գումարները հատկացվում են կատարողի բանկային հաշվին փոխանցելու միջոցով և այն կարող է փոխվել յուրաքանչյուր տարվա համար Հայաստանի Հանրապետության պետական բյուջեով այդ նպատակի համար նախատեսված միջոցների չափից՝ Հայաստանի Հանրապետության կառավարության կողմից լրացուցիչ հատկացման միջոցների չափով:

3.2. Պատվիրատուի կողմից փոխհատուցումը կատարվում է ամսեկան կտրվածքով՝ որը փոխանցվում է Կատարողի հաշվարկային հաշվին, մինչև յուրաքանչյուր ամսվա 10-ը, իսկ եթե այդ օրը ՀՀ օրենսդրությամբ սահմանված կարգով ոչ աշխատանքային օր է, ապա մինչև այդ օրվան հաջորդող աշխատանքային օրը ներառյալ: Յուրաքանչյուր ամիս գումարը Կատարողի հաշվին է փոխանցվում նախորդ ամսվա փոխանցված գումարի վերաբերյալ Պատվիրատուին հաշվետվություն ներկայացնելուց հետո:

4. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

5. Եզրաչափիչ դրույթներ

5.1. Սույն պայմանագիրն ուժի մեջ է մտնում կողմերի ստորագրման պահից և գործում է մինչև սույն պայմանագրի 1-ին կետում նշված նպատակով Հայաստանի Հանրապետության պետական բյուջեից ֆինանսական միջոցների դադարեցումը:


5.2. Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ նոր պայմանագիր կնքելու միջոցով, որը կհանդիսանա սույն պայմանագրի անբաժանելի մասը:

5.3. Սույն պայմանագիրը կնքված է հայերեն լեզվով, 2 օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ:

6. Կողմերի հասցեները, բանկային վավերապայմանները և ստորագրությունները.

Նպաստ տրամադրող

ՀՀ արդարադատության նախարարություն
Ք.Երևան, Հալաբյան 41/ա
կենտրոնական զանձնպետարանի
գործառնական վարչություն
900011474518



Նպաստ ստացող

«Արդարադատության ակադեմիա»
ՊՈԱԿ
Ք. Երևան Փիրույաններ 9
ՀՀ 163468013046
ՀԷԲ Աջափնյակ մաս.
ՀՎՀՀ 00129631

